



Inatsisartuni ilaasortaq
Naaja Nathanielsen
/maani

Apeqquut 025-imut akissut

1. Allaatigisaq Reutersikkut den 21. januar saqqummersoq1 naapertorlugu Naalakkersuisut Siulittaasuat Aleqa Hammond oqarsimavoq Tanbreez Miningip qinnuteqaataa Naalakkersuisut itigartikkaat. Aqaguani januarip 22-ani Aatsitassaqarnermut Naalakkersuisoq nittartakkatigut aviisimut Sermitsiaq.ag-imut oqaaseqarpoq Reutersigooq-una paatsoorsimasoq. Ilumoortoq tassaanerarneqarpoq qinnuteqaatip aalajangiiffigineqannginnerani Naalakkersuisut nutaanik piumasaqaateqarsimasut. 23. januar Aleqa Hammond tusagassiorfinnut nalunaaruteqarluni oqaaserisimasani "erseqqissarpai". Jens-Erik Kirkegaardip aammalu Aleqa Hammond-ip oqaaseqaataat ima paasineqassappat Naalakkersuisut Reutersikkut allaatigineqartumut pisortatigoortumik ilumuunnginneraasut?

2. Paatsuinerit taama ittut isumaqarfigineqarnitsinnut ajoqusiisinnaallutillu atugassarititaasussanut killissaliussagut pillugit nalornisuulersitsinnaapput. Taamaammat eqqunngitsumik paasissutissiinerit saqqummiunneqariartullu pilertortumik qisuariartoqartarnissaa pissusissamisoorpoq. Naqqiisoqarnissaa Reutersikkunnt Naalakkersuisut noqqaassutigilersaarpaat?

1) pillugu. Reuters-imi ilanngutassiamik erseqqissaanertut isigineqassaaq.

2) pillugu. Naalakkersuisut Siulittaasuat ulloq 23. januaari tusagassiuutitigut nalunaarummik, aamma apeqquteqartup innersuussutigisaanik, nassiussivoq. Tusagassiuutitigut nalunaarut taanna tuluttuunngorlugu nutsertinneqarpoq – aammalu tusagassiorfinnut tuluttut oqaaseqarfiusunut nassiunneqarluni. Naalakkersuisut paasinninnerat malillugu Reuters-imit ilanngutassiamut maannakkut pisumut atatillugu naammattumik iliuuseqarneruvoq.

Inussiarnersumik inuulluaqqusillunga
Med venlig hilsen

Jens-Erik Kirkegaard

05. februar 2014
Sagsnr. 2014-095675
Dok. Nr. 1476958

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl